

貴州志稿

貴州志稿

貴州省圖書館複製

中複製本如有不妥之處，請讀者提出意見。

本館之書，在館字號前有「」。並請原寄館依此

據原本中時外即歸附貴州省圖書館。外五。凡

館藏北京圖書雜誌總號一九六五年元月號。

五。

全錄苗縣新風俗志」三卷，婦事五條，雜類四

卷，一續苗縣新風俗志」，一續苗縣新風俗志」。

貴州志，貴州新風俗志，貴州新風俗志，貴州新風俗志。

貴州志，貴州新風俗志。

貴州志稿

卷一

黔省開闢考

卷二

黔省功德名臣考

卷三

全黔苗獠種類風俗考

貴州志稿卷一

黔省開闢考

昔禹定九州黔為荆梁之邊陲同三吳楚蜀皆

未得通中國黔尤鄙遠開闢最後於商曰鬼方

於周曰靡莫戰國時楚將莊躋略地至於且蘭

始附楚張儀欲以商於易黔中即其地楚滅併

於秦為黔中郡黔之名始於是乎見漢武帝元

鼎六年平西南彝置牂牁犍為越雋武陵四郡

犍為隸蜀越雋隸滇武陵隸楚牂牁則黔地也

蓋以牂牁江得名云晉益興古郡其地即今之
安順府隋為巴東黔安清江明陽四郡唐貞觀
十六年拓其地置牂彝播珍等州屬黔中劍南
二道採訪使其時所謂黔中者皆思南思州黎
平鎮遠都勻石阡之附近楚蜀者貴陽不與焉
五代時楚王馬殷遣八姓帥率邕管柳州討兩
江溪洞留兵戍之遂各分據號八番是為今之
定番州宋至道三年分隸荆湖劍南之三路宣
和元年以田佑恭加貴州防禦使嘉定庚午以

宋永高陞貴州經略安撫使至今黔稱貴州實
本於此元憲宗時於矢內附至元十六年西南
八番羅氏等國亦內附置八番羅甸等處宣慰
司以蒙古人為元帥置府貴州彈壓之十七年
大兵討羅氏鬼國十九年以降彝八番金筑百
萬砦皆為郡縣置順元路金筑府領其事二十
年討平九溪十八洞並置郡縣立總管府俱聽
順元路宣慰司節制其時間設流官實同羈縻
無城郭田賦之制無鄉會賓興之典猶然荒服

陋區也明初分隸滇楚西蜀三省洪武四年蠻
長密定等舉土來附置貴州衛五年命江陰侯
吳良等平古州等蠻是年置永寧衛八年置黃
平所十年命安陸侯吳復討普定阿買寨十四
年命穎國公傅友德為征南將軍征討雲南還
定貴州之普定烏撒等處置普定烏撒兩衛十
五年開設屯堡築貴州省城設貴州都指揮使
司領各衛所以重臣汝南侯權其事卒以平涼
侯費聚署理是時紀綱初定十六年置普定軍

民府置都勻安撫司置永寧州改習安州為安
順州置畢節衛十八年思州苗叛命信國公湯
和為征虜將軍周德興副之帥師從楚王

名榘
洪武

之子平其地洞蠻吳面兒寇古州復命信國公從
楚王勦平詔楚王還國十九年春長興侯耿炳
文偕穎國公傅友德帥師討雲貴諸蠻夏六月
穎國公討平平越麻哈二十年靖寧侯葉昇普
定侯陳桓討東川普定諸蠻平之勅諭屯田於
畢節等衛二十一年東川蠻復畔以西平侯沐

英普定侯陳桓俱副征南將軍穎國公帥師平
之仍命普定侯屯田畢節宋國公馮勝鎮永寧
二十二年狼洞黃平苗叛穎國公移師討平之
置赤水興隆安莊三衛平普旦阿資馬乃置普
市所二十三年命延安侯勝宗討平貴州叛苗
置新添龍里威清安南平壩清平六衛改都勻
安撫司為都勻衛二十四年鑿永安河二十五
年命越雋侯俞通淵征古州洞蠻命都督王成
通貴州道路二十八年貴州蠻阿榜曹寧等司

叛守將夏國公顧成討平置貴州前衛三十年

三十一年分命夏國公顧成討水西楚王楨湘

王柏討古州都督楊文討清平黔陽平羗將軍

何福擒永寧蠻十八加如討畢節都勻進征五

開諸蠻悉平永樂成祖即十一年叛苗田璣通鑑

作田璣田宗鼎伏誅罷羅甸宣慰司置思州新化

黎平思南鎮遠名阡銅仁烏羅八府設貴州布

政使司二月辛亥始設貴州布政補貴州於是始為專省補八

丑鎮遠侯顧成討補十二年正月十三年改普

思州靖州叛苗

庚寅思州苗平

貴州志卷一
安安撫司為州十八年設貴州提刑按察司法

照宗仁元年令貴州就試湖廣宣德宗元年詔定

雲貴兩省鄉試補宣德八年總兵官都督正統

英宗元年以木瓜麻嚮大華割屬金筑三年設安

順州流官補四年總兵官蕭授四年始命右副

都御文丁璿巡撫貴州六年添設屯田副使九

年置施秉縣十二年增雲貴解額五名十四年

邛水草塘爛土凱口諸苗叛陷思州都勻石阡

黃平思南等衛府總督侯璉率同副總兵官方

瑛討平

補十四年十二月王驥為平蠻將軍充總兵官討貴州叛苗

景泰帝

元年

補三月保定伯梁瑤代王驥討貴州叛苗五月侍郎侯璉副總兵田禮大破貴州苗

七月尚書侯璉參將方瑛破貴州苗擒其首獻京師苗賊韋同烈叛據清

平之香爐山命保定伯梁瑤督征

補九月巡撫河南副都御史

史王來總督湖廣貴州軍務討叛苗二年韋同烈伏誅

四月梁瑤破

平越苗獻俘京師是年始專設巡撫

補七月普定永安

瑤等留軍討之四年二月五開清浪諸苗復叛梁瑤王來討之五年方瑛破草塘苗討瑛南

伯七年定雲貴鄉試三十名天順

英宗復元年

大壩三都掌蠻叛

補三年南和侯成化憲二年

兵部尚書程信督川湖雲貴四省兵討平打罕
州土蠻韋阿禮叛調泗成兵會勦平之四年增
雲貴鄉試解額十名八年裁巡撫十年置程奉
府增雲貴鄉試解額五名十一年復設巡撫弘
治孝四年爛土蠻叛五年副都御史鄧廷瓚率
師討爛土蠻六年置都勻府改印江司為縣八
年置麻哈獨山二州清平永從二縣增雲貴鄉
試解額五名十一年普安彝婦米魯叛執太監
楊友右布政司閻鉅死之置鎮遠縣十六年南

戶部尚書王軾討米魯平之正德試二年裁巡
撫五年定雲貴鄉試解額五十五人是年復設
巡撫六年平江津賊方四八年平卧龍司賊王
倫十一年討香爐山叛苗不克十二年湖貴合
師討平十四年芒彝寇永寧嘉靖繼四年參將
何鄉平之六年芒彝復叛仍以副總兵何鄉討
平之十三年遷中左所于香爐山十四年定貴
州鄉試解額二十五人開科本省節勞損費向
學者日益多思南田秋之力也十六年都勻苗

叛十九年金石司苗叛二十一年鎮遠苗叛陷
石阡府執推官鄧本中官軍前後討平二十五
年增貴州解額五名二十七年羅番龍受祖叛
苗賊龍許保陷印江縣二十九年銅仁苗陷思
州知府李允簡死之三十年置銅仁撫苗通判
三十一年平金筑叛苗阿季是年設湖川貴總
督駐沅州節制三省隆慶穆宗元年改程番府為
貴陽府益以金筑平伐二司徙治省城首郡既
設規模冠冕矣萬曆神宗三年平者茅苗立宣威

營十四年以程番府舊治置定番州十九年置
新貴縣二十四年遷貴陽府學於北關二十六
年置銅仁縣二十七年皮林蠻叛播賊寇平越
殺都司等官復寇東坡寇龍泉寇烏江參將以
下多死之賜總督李化龍劍令便宜從事二十
八年貴撫郭子章及督臣李化龍湖撫支可大
誓師討播楊應龍自縊死餘黨悉平以其地設
平越遵義兩府湄潭甕安等十縣遵義府轄遵
義綏陽正安仁懷五縣隸於蜀平越府轄平越

甕安湄潭餘慶黃平州四州縣以龍泉縣石阡
府隸於黔二十九年貴撫郭子章如鎮遠會楚
師粵師協勦皮林三十年改安順州為軍民府
三十一年奢氏續叛三十二年奢賊平改水德
司為安化縣詔征西路水銀山等苗三十四年
征東路苗三十七年紅苗陷印江縣典史邵士
元死之三十九年置廣順州四十二年加貴州
廣額二名四十四年平定番狝苗天啓熹二年
春二月水西羅鬼安邦彥叛圍貴陽總督張我

續督兵來援十二月圍解城中餓斃者過半苗

猱之害于茲最酷三年進師六廣偏裨以下姚

盱等二十七人死之

紅夷據澎湖貴州軍三
路進討水西副總劉超

敗績於陸廣河是年十月巡撫
王三善勦水西屢破賊至大方四年巡撫王三

善督戰為逆賊陳其愚詐降遇害

正月王三善
自大方旋師

遇伏被執死之同時死者參將以下百二十餘人御史

傅宗龍疏請赴黔討賊詔命以巡按監軍

安邦
彥犯

普定右參政陸夢龍偕總兵黃鉞以三千人禦
之直前薄賊賊大敗三山苗叛思州告急夢龍

夜遣中軍吳家相進搗賊巢擄苗鼓
聲振山谷苗大奔潰焚其巢而還五年巡按

傅宗龍擒其愚誅之進師鴨池河敗績總兵魯

欽沒於戰

正月總兵魯欽劉超自織金旋師為賊所襲諸營兵潰三月朱燮元總督

雲貴川湖廣西六年進師至楊家海不克崇禎

繼元年川貴合師會勦總兵官侯良柱許成名

斬安邦彥於永寧二年建上衛連雲等十一城

詔命貴州四川雲南合兵討水西餘黨三年安

賊乞撫疏聞許之四年置開州設數勇鎮西二

衛修文息烽赫聲濯靈于襄威武定南柔遠詰

戎等九所十五年增貴州鄉試二名十六年即

宣慰司舊學基修新貴縣學開州狝苗叛陷州
城知州黃嘉雋死之終明之世叛復不常大小
百十餘征討關地十郡州縣二十有一虧十八
所十戶九遂為十三省之一至我

本朝

德威所及無遠不服

世祖章皇帝

順治十五年命經略洪承疇率師取貴州十六年定
鄉試額數十七年通黃平水運馬乃苗叛平其

地置普安縣

聖祖仁皇帝

康熙三年水西羅鬼安坤叛命吳三桂討平之以其地水西為黔西府比喇為平遠府大方為大定府烏撒為威寧府烏撒衛仍其舊五年平邵岱誅隴安藩十一年改龍里平越清平都勻四衛為縣裁安莊衛歸鎮寧州裁黃平所歸黃平州裁新平所歸普安縣十二年廣順州苗變殺吏目蔣士璘二十二年改黔西平遠二府為州割

湖廣鎮遠偏橋二衛歸黔二十五年徙土司韋
有倫等以其地入永從縣二十六年改貴前二
衛為貴筑縣敷勇衛為修文縣以修文濯靈息
烽于裏四所益其地裁新添衛歸竝貴定縣隸
於貴陽改威清鎮西二衛為清鎮縣益以赫聲
威武二所改平壩衛為安平縣益以柔遠所改
安南衛為安南縣裁普安衛歸竝普安州裁定
南所歸竝普定縣裁安龍所歸竝南籠廳隸於
安順改大定府為州改永寧畢節二衛為縣裁

普市所歸永寧裁赤水衛歸畢節裁烏撒衛歸
威寧俱隸威寧府裁興隆衛歸黃平州隸平越
府三十四年設新貴縣於貴筑

世宗憲皇帝

雍正二年改湖廣玉屏清溪天柱開泰錦屏五縣隸
黔三年巡撫毛文銓討定番叛蠻擒賊首阿匠
斬之四年威寧鎮總兵官石禮哈帥師討定廣
蠻五年討古州郎岱弄牛鄭旦生苗設古州兵
備道古州理苗同知清水理苗同知清江理苗

通判郎岱同知置永豐州直務汲縣改東路由
柳楊駟達楚改遵義合屬隸貴州八年改南路
越鐵鎖橋由普安州達滇十年古州逆苗復叛
巡撫元展成發兵勦捕傷副將以下十餘人署
提督鶴麗鎮總兵官帥師討平之提督哈元生
至自京平其餘黨十三年古州苗陷黃平清平
等州縣

世宗憲皇帝下詔罪已經略張公廣帥川湖貴粵滇
五省兵討平斬首萬餘進張公總督設古州鎮

總兵官清江協副總兵官鎮其地千百年苗患
至是一靖守其土者總督暨監司大員外設貴
陽安順十三郡太守定者等處十四州刺史貴
筑貴定三十三縣邑令科取士四十四人登進
士者十二三名不等聲名文物埒於中州矣

論曰黔處萬山中土不厚於西北財不富於東
南而其地則在所必開三代以前詩懲荆舒何
有於黔周末吳楚爭盟中夏黔日內近漢高龍
飛吳楚之間而其財賦又十倍於他郡國黔實

隣之卧則鼻酣何以安吾民於衽席况捷為越
為牂牁皆古西南彝犬牙相錯滇無黔則扼其
吭蜀無黔則掣其肘一隅之不靖聖天子之憂

也此歷代所為羈縻畜之前明百戰關之我
朝禮樂征伐多方定之不則竭其土之所納不足
以供本土之用歲糜協餉動餘萬計其何利於
黔而關之者惟是關之非難撫之為難未關則
化外之彝也既關而生聚吾民於其地不為之
策其萬全是何異搗羣虎之巢而置吾赤子於

其穴何不為之爭食也安酋自濟火為功于蜀
代封重爵雄長諸蠻播賊自楊端應募平南詔
世襲唐職閱五代宋元至明橫踞播珍誠所謂
夜郎自大餘苗類皆野性難馴周知法紀一旦
削其土地治以流官虎視眈眈俟隙而動遑顧
問哉前明盛時於鎮遠黎平各要害皆設兵戍
之正統中以麓川之役撤回戍兵諸苗遂得深
入陷沒我城池殺戮我官民終明之世叛復不
常苗性固難馴亦謀國者之疎也周書曰國無

三年之蓄者亡蘇秦說趙稱其粟支十年明天
啓中安酋叛圍貴陽未匝一載而城中餓斃者
過半有備無患之謂何遂至坐困若此今黔無
不闢之地無不化之苗古州清江皆設重鎮仰
見

朝廷碩畫遠過前明其熟苗之在我肘腋間者徐
徐化導廣儲天庾以圖久安長治之術將見風
氣日厚富庶有加枕滇帶蜀可作屏藩金錫丹
砂足資國用亦西南一大要都也安得深謀遠

慮仰體

國恩盡如今之賢執事者

貴州志稿卷二

黔省功德名臣考

潘文蔚

讀黔志莊躋楚莊王裔也因王滇通黔中者實
自躋始漢唐蒙因賈人得知夜郎即臨牂牁江
江廣百餘步能行船上書稱通夜郎可得精兵
十萬由江出不意足以破越許之遂見夜郎侯
諭以威德為置吏黔由是得通中國之二子者
不可謂無功於黔也蜀漢武鄉侯亮征滇蠻孟
獲於黔無與五月渡瀘亦未聞假道於黔黔名

宦志之至今黔地多傳孔明墳孔明藏甲洞諸
古跡祠祀者不一其處鎮苗輔漢咸藉流風則
雖稱黔名宦也亦可唐德宗時南承嗣為清江
太守多惠政供其父南將軍像於署明初顯聖
八番黔人肖像祀之是為今之黑神廵撫王憲
請入祀典忠孝感格祖父為之臨保紀之志乘
宜哉明初關黔功臣則黔寧王沐英穎國公傅
友德黔國公吳復夏國公顧成江國公吳良信
國公湯和涼國公藍玉靖寧侯葉昇普定侯陳

桓越爲侯俞通淵安慶侯仇成征蠻將軍楊文
平羗將軍何福是皆披荆棘臨虎穴沐風櫛霧
大有功於我黔者按其功則尤以穎國爲最黔
今得樂土而居之矣當明之初闢無高城深池
之衛苗獠出入其何以固吾圉都指揮馬曄字請
建會城而民居始定永樂中設布政使居然專
省其地尚多隸於楚蜀會城亦未置守地小則
力薄力薄則苗獠易叛官缺則事廢事廢則民
冤不理撫臣杜拯有十便之疏始改程番府為

貴陽首都餘格部議後昏卒如公言迄今讀其
全疏如見公之生平而名宦不載抑獨何歟朱
家民修鐵鎖橋而滇路通曹震開永寧河而蜀
道開劉大直延工教紡而民知織李睿增修學
舍而民興教頒樂器以崇祀典功出蕭儼抗丹
砂以甦民困陳堯最著至欽州江公東之為巡
撫則百廢俱舉造士置右文田重民置備賑田
體恤卒伍置恤軍田矜孤寡憐廢疾置恤隱局
惠藥局等田推及愛物置遞馬谷田甲秀樓黔

之巨觀也。皆公修之志。稱黔撫當首屈。公信然。
維時應公朝。卿巡按貴州。損貲佐公。置以上諸
田。巡按客官耳。亦復能此。謂非志在生民。為當
世之矯矯者歟。繼江公撫黔者。當難其人。青螺
郭公子章繼之。德望經濟。尤為卓越。殆集明撫
諸賢之大成。撫黔十載。事功非另傳。難以殫述。
予設官定界。一疏概其知於化民成俗。一疏概
其仁於平播賊討。皮林概其勇。黔記一書。網羅
百代。後之修志者。宗之尤見苦心。功成請養。疏

凡九上始得允殆又有明一代之完人也黔理
學之傳接統於陽明黔士大夫至今俎豆之微
學使席公名書者敦請至省立文明書院以訓
誨諸士子則陽明亦龍場一駟吏耳席公之功
當與文成等嗣是官於黔如徐公樾胡公堯時
輩皆常師事陽明徐公時為貴州提學以昌明
理學為己任雖苗民子弟皆得衣冠聽講嘗謂
此理無古今無中外苟有以興起之無不可化
胡公則貴州按察使每稱職司刑名當先教化

修陽明書院梓陽明文陽明之學於是益明阮
公用和隆慶四年撫黔時馮公成能為廉使與
馬心齋滕少松諸公講學黔中阮公樂其同志
會議陽明舊祠狹隘不足以容諸生移建於軍
門前之左側買民居益其地規模最擴後皆因
之為造就人才之所成化時廉使錢公越參議
吳公倬類皆能振興學校錢公制樂器增學舍
設社學吳公置學田置站軍田宏治中伯通吳
公為按察使尚德緩刑以黔疆新闢教化尤要

時進諸生講明經義至今黔地人才均於中州
諸公之力居多禦災捍患重於祀典都掌蠻劇
賊也程公信勦之香爐山凶苗也鄒公文盛平
之智如陰子淑擒叛苗於談笑之中勇如郭成
殲賊首於窩巢之內蔡潮誓死以保孤城王鑑
之仗節而服強虜徐問鄧廷瓚王來王軾天祥
諸公皆能威振南彝除苗患以福我邊疆孔公
鏞威信特傳民到於今稱之昔為太守曾以單
騎服賊諸蠻聞公撫黔皆氣奪時有清平苗阿

溪多智養子阿刺多力相資為害而時以金帛
給上官左右王指揮為之用幾成大患公至不
動聲色即以其用人王指揮授計擒之阿刺被
逮嘆謂吾不畏千人畏一孔公但不知成擒如
是之易耳刺死一境皆安惜其事不多概見又
有陳公儼宋公欽者陳公景泰進士為貴州巡
撫先德後威西堡苗梗化親臨其寨諭之負固
者躬擐甲胄勦之終公之任苗民不敢為害以
儒生而壯疆場偉人哉志紀宋公殊落落然苗

民相戒勿犯足。知威信吾黔撫署形勝甲於天下考之題名碑記實公所移建明作有為殆又於茲可想王三善不納尹伸之言致令全軍覆沒朱燮元不剖李中行之冤幾使會城不守苗獠之害匪輕諸公之澤又何可忘耶科目者達道之階開科本省思南田公之力也巡按王公名杏者同時上其事不無其力撫臣王公學益林公喬相郭公子章布政蕭儼巡按薛公繼茂先後疏請增額俱得允行自是名人輩出林公

疏稱以人事君大臣之道固自當爾詩曰古之人無斃士斯譽髦不溯其所自來沒前賢之苦心士大夫之過也至我
本朝名賢踵至如舜代之五人更益成周之十亂
默至明季中葉城圍於安酋地陷於流寇繼以
吳逆僭竊苛政百出層湯疊火民艱莫狀

列聖憂之故簡任多海內名人下公入境首賑飢民
上書待罪曹公下車先除虐稅敷陳欲泣趙公
有興教之疏佟公有安邊之請甘公題禁協夫

民得歸農矣慕公請撥協餉卒能安伍矣楊公
緝陽明書院於將墜之餘田公衛公繼之學校
大振卞公名三元趙公名廷臣皆由黔府節制
兩省甘公則制憲城南忠烈即其祠曹公名申
吉楊公名雍建慕公名天顏田公名要衛公名
既齊皆黔撫此其大略也宣化閻公興邦撫黔
凡所設施類皆宜民見之奏章者題廣額表精
忠除積弊肅邊防按諸志乘黔事多所建白父
老稱其重士愛民恤兵寬大有為視閻閻疾苦

如切己膚康熙庚子金撫軍欲改其祠為迎送之所為士民力訴得寢詩云有斐君子不可諉兮其公之謂歟海寧陳公吾猶及見其事公名銳興利除弊常若不及公又富於財足敷所用以黔兵苦廬舍多茅屋易火延及民居戊寅癸未兩歲會城焚毀幾盡捐兩標營房數千間常稱黔地山川明秀建置未盡合法某山脈錯其士不達某水直無畜其民易貧改北門之城更通楚之路城成橋工未竣公調撫湖北一時士

民如失慈父母咸慮無復有能繼公者劉龍門
繼之亦如郭青螺之繼江欽州其擔當負荷直
空從前公名蔭樞政持大體與民休息遇大事
敢為而征策旣例當協餉公疏黔瘠苦狀得免
永寧為滇黔蜀界壤年羹堯屢拘苗犯不得大
其辭請勦

欽差會勘三省制撫咸在公曰此鼠竊吾為公致之
差官役各一人苗民畏公威信立即赴轅待罪
公據其情入告事迹寢撫黔十餘載創建修補

遍地甘棠於公皆為末節公秦人其鄉行與官
聲等陝撫陳公請祀鄉賢而我黔名宦缺焉伊
誰之責山左何公名儒也知不自用朔望必謁

聖升明倫堂與諸生講明朱程之理同日赴講
約所進父老而與之言所在問歷任善政蓋將
大有造於黔未幾奉詔還京黔人思公賑饑修
學建橋愛民諸惠政不置君子惜其功之未竟
焉高公其倬以靜鎮節制兩省士民陰受其福
鄂公爾泰改土歸流平定諸蠻辛勤十載功在

百世士卒疲於征伐議者或疵其紛更詎之養
賊如護癰潰不可救前明安酋之叛幾危省城
鑿戒不遠君子之所為眾人固不識也提學中
能以道德文章造就士子者則有張既亭孫菽
山沈西園張匠門諸公昔黔以小省學使多係
道銜受制督撫操守清於請託劉公某不得行
其志拂衣而去自既亭張公始以翰林視學黔
中風采峻厲雖權重如王宛平莫敢誰何從前
積滯揀拔一空以黔地艱於購書刻勵學齋並

古今文集至今多士賴之孫莪山名襄慨然有
繼續陽明之志與劉龍門同時相得甚雅拔諸
生百餘人於陽明書院膏火取辦於龍門造就
則公力任之每出巡回輒寢食其間與諸生講
學不倦雖抱病亦不稍懈曰吾若死當埋陽明
左右其任重道遠有如此者西園沈公名翼機
視人才風氣皆吾分內事於試童子尤加慎嘗
謂諸生已為學校中人童子能文額於數不加
獎勵或以貧改而他圖後雖欲振拔無由節孝

則隨所至為採訪親書匾字進其子若孫勞之
酒而拜贈之神鼓舞喜維持有功於世道不小
匠門張公江南十才子之一也名大受提學黔
省時書院久廢又無同志如劉龍門者公自任
之膏火悉出清俸所拔士或貧而授徒如其館
穀與之制憲高公其倬滇藩李公衛皆遣人捐
千金為公助德信不孤公之望重為何如今撫
軍張公名廣泗布政則陳公德榮兩君子相與
有成張公恢擴聖廟置樂器祭器請改提學於

南關以舊署益棘闡修明遠樓增號舍陳公覓
工師教民組織修北城外郭創三城樓於其上
內城舊建闕於東子城祀文昌建祠於北子城
祀玄帝各如其位皆重有關於民社將圮公俱
新之適聞張公現在委員查都勻河陳公又將
修次南門橋完海寧未竟之功關雪滙洞為觀
瀾兩君子造福黔疆無時稍暇吾又烏乎窺其
所至哉

論曰九州無禹一水窟無稷則阻飢無契且近

禽獸有數大聖人者出而其地遂重重以人非
重以地也黔在宋元以前深林密箐久為虎豹
豺狼之所居苗獠彝獠之所踞千百年來視若
廢壤闢於前明恢濶於我

大清聲名文物遂與中州鼎盛微司土諸君子懋
德懋功曷克逮此記曰非有功德於民者不祀

則有功德於民者之宜祀可知也考之志乘有
明諸公事久論定類皆請祀廟庭我

朝方興未艾公道在人余故表而著之尊先型範

來茲竊向往且以備他日賢執政之入告焉

貴州志稿卷三

全黔苗獠種類風俗考

潘文茂

牂牁未闢其先為苗獠雜處種類各別風俗固殊焉未入版圖採風者不之問也志稱有虞氏伐三苗高宗伐鬼方史固有之未詳其說漢武帝定西南夷以其地為牂牁郡仍以其人官其地故種類風俗多不可考蜀漢濟火從征孟獲封羅甸國王則安宣慰之遠祖也唐普露始率其九郡入貢逮宋普貴納土得賜爵至元而阿

畫又以軍功授昭勇大將軍世襲宣慰司加羅
甸侯奉朝廷正朔然不納貢朝廷以化外置之
故其種類風俗亦多不可考明洪武初年阿畫
子靈翠與蒙古互各以其地獻明祖大悅仍世
其官宣慰司築貴陽省地命都指揮顧成鎮之
浸設流官遷三吳大姓實其地然城北即宣慰
舊城諸苗種類實通處此故終明之世每多苗
患我

朝德威所及羣苗向化窮鄉僻壤盡隸版圖其種

類風俗班班可考按其種類則有猓羅种家猓
猓猓猓入洞人蠻人八番楊保龍宋蔡家並
諸苗三十餘種其中以苗名者又凡二十餘種
類在新貴者曰花苗在廣順者曰克孟牯羊在
鎮寧州者曰青苗諸苗之中惟茲四種類多淳
樸畏朝廷急輸將為主人服役不敢玩其次則
龍里之白苗惠州之短席苗貴定之平伐苗爛
土壩之夫苗或僱役十三或力作雖娶葬無禮夷俗
類然尚無聚眾搶劫出入為民害者紫薑苗在

都勻則與獨山州之九名九姓苗同其狙詐嗜
殺尤甚谷蘭苗在定番性兇頑善擊刺出入必
持槍弩蠻黨皆畏之其族氏皆不大繁故雖兇
頑嗜殺猶不至大為民害施秉有生苗銅仁有
紅苗黎平有陽洞羅漢苗興隆縣里司有九股
苗偏橋有黑苗之數種者兇狠狡詐異於羣苗
時結黨為大道之患明季往往嘯聚稱亂官斯
土者非精明強幹思足以結之威足以惕之繩
其下不至以糧草差徭荒其業苦其身異類視

之凌虐其婦女而魚肉其種類未見能久安而
不蠢動者羅羅即盧盧有黑白二種雜處平大
黔威間黑者為大姓白羅羅其奴隸也俗尚鬼
故又名羅鬼歷漢唐宋元明雖長諸苗最強大
今就衰矣狝家則貴陽都勻鎮寧普安皆有環
青門左近雜居民而耕種之嗜殺喜為盜村落
牛馬少不謹即被盜去然其性猾而婦人女子
又勤於織富者居多且

盛朝富庶居民十倍無復聚眾出劫者矣犵狁之

屬有五種各以其類不通婚姻翦頭狠狠男女
或剪其髮死則積薪焚之猪豕狠狠不洗不濯
與犬豕同牢等犬豕又何殊焉打牙狠狠其殆
鑿齒之民歟腰間類圍幅布謂之桶裙花布者
為花狠狠紅布者為紅狠狠貴定清平石阡黎
平古州往往有之性固狠未若狠象之猾故其
人多貧黔之西南有番子焉以八番土官長之
服食器用與漢人同平其地為定番一州土人
則歷代遺民也狠獠亦曰楊黃散其種於都勻

石阡施秉龍泉黎平龍里萬山之中荆壁不塗
門戶不爲出入以泥封之婚喪以犬相遺焚人
即俗所稱焚耳子也男女冠纓一片雖垢不浴
唯普安有之蠻人隸新衛丹行二司管轄性獷
戾以丑戌為場十月朔日為節洞人則性多忌
喜殺出入夫婦必隨在黎平者尤情於耕故洪
州之盜為最楊保播州之裔其黨最繁明劉琏
平其地設流官守之為遵義平越兩大郡至今
漸化其俗頗類漢人又有所謂木老者性狡悍

善製刀尚鬼知長幼之節馬鑿龍家狗耳龍家
蓋從隴氏之訛其種有四善石工好依深山林
木凡茲羣苗種類既雜居復星散其勢弱其力
單與居民互處久將漸化非若生苗紅苗之足
慮也宋家蔡家則楚子伐宋伐蔡逐竄夜郎帝
王之胄遂為九種蠻夷良可悲夫不知其類無
以善其俗不知其俗無以敷其教人其人格其
面明先王之道以道之將見用夏變夷而有苗
來格不難再見於今矣

附錄

〔一〕原作「畔」

〔九〕原作「厓」

〔二〕原作「山都」

〔十〕原作「少」

〔三〕原作「宏」

〔十一〕原作「揮」

〔四〕原作「熄」

〔十二〕原作「慰宣」

〔五〕原作「熄」

〔十三〕原作「顧」

〔六〕原作「華」

〔十四〕原作「剗」

〔七〕原作「劇」

〔八〕原作「少」

正誤表

3	2	2	2	2	1	卷
2	10	6	4	3	6	頁
7	14	13	3	2	8	行
10	7	16	4	11	16	字
裙	擴	撫	滕	捐	省	正
羣	潤	府	滕	損	損	誤

